

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINSKI SUD U VISOKOM
Broj: 41 0 K 098760 23 K
Visoko, 06.11.2023.godine

U IME FEDERACIJE BOSNE I HERCEGOVINE

Općinski sud u V.m, sudija A.S., uz sudjelovanje zapisničara K.A., u krivičnom predmetu protiv optuženog A.A., zbog krivičnog djela nasilje u porodici iz člana 222. stav 2. u vezi sa stavom 1. Krivičnog zakona Federacije Bosne i Hercegovine, rješavajući po optužnici Kantonalnog tužilaštva Zeničko-dobojskog kantona broj: ...od 11.08.2023. godine, nakon održanog javnog i usmenog glavnog pretresa, u prisustvu kantonalne tužiteljice K. A. optuženog A.A., dana 06.11.2023. godine, donio je i javno objavio:

P R E S U D U

OPTUŽENI: A.A., sin M. i majke S. rođene V., rođen 28.02.1982. godine u S., nastanjen u mjestu ..., grad V., pismen, sa završenom SSS, po zanimanju mašinski tehničar, zaposlen, oženjen, srednjeg imovnog stanja, vojsku nije služio, po narodnosti Bošnjak, državljanin BiH, JMB: ..., osuđivan,

K r i v j e

Što je:

Dana 10.05.2023. godine, oko 01,30 sati, u porodičnoj kući u mjestu G. Z. ..., grad V., u kojoj živi u zajedničkom kućanstvu sa suprugom A.A.1 i djecom mlđb. sinom A.E. (rođen godine) i mlđb. kćerkom A.A.2 (rođena godine), vršio nasilje nad oštećenom suprugom, svjestan da će takvim nasiljem ugroziti mir, psihičko zdravlje i tjelesnu cjelovitost oštećene, što je i htio, na način da se povišenim tonom obratio supruzi koja je sa djecom spavala, riječima „Oliva, ustaj, ja trebam ići sjediti s ljudima sa četiri i po marke“, čime je je probudio i mlđb. djecu, pa kada je oštećena uzela mlđb. A.A.2 u naručje da je nahrani, prišao istoj i dva puta zadao udarac zatvorenom šakom u predio desne strane lica, uslijed čega je oštećenoj potekla krv iz usta i prosula po mlđb. A.A.2, zatim je oštećenu udario rukom po njenim rukama i leđima, nakon čega je otišao u kuhinju, uzeo veći kuhinjski nož i zaprijetio: „Nemoj da vam napravim kao u Srbiji masakr“,

čime je počinio krivično djelo Nasilje u porodici iz člana 222. stav 2. u vezi sa stavom 1. KZ F BiH.

Sud optuženom na osnovu člana 42., 49. i 62. Krivičnog zakona Federacije Bosne i Hercegovine, i z r i č e:

USLOVNU OSUDU

Kojom se optuženom za počinjeno krivično djelo utvrđuje kazna zatvora u trajanju od 5 /pet/ mjeseci, a koja se neće izvršiti ako optužena za vrijeme od 3 /tri/ godine, od dana pravosnažnosti presude ne počini novo krivično djelo.

Na osnovu člana 202 stav 1 u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala 20,00 KM, sve u roku od 30 dana, po pravosnažnosti presude pod prijetnjom izvršenja.

O b r a z l o ž e n j e

Kantonalno tužilaštvo Zeničko – dobojskog kantona optužnicom broj: ... od 11.08.2023. godine, a koja je zaprimljena kod ovog suda dana 14.08.2023.godine, optužilo je A.A. da je počinio krivično djelo Nasilje u porodici iz člana 222. stav 2. u vezi sa stavom 1. Krivičnog zakona Federacije Bosne i Hercegovine.

Optužnica je potvrđena od sudije za prethodno saslušanje ovog suda dana 17.08.2023. godine i na ročištu za izjašnjenje o krivnji održanog dana 02.10.2023. godine optuženi A. A. se izjasnio da nije kriv za krivično djelo Nasilje u porodici iz člana 222. stav 2. u vezi sa stavom 1. Krivičnog zakona Federacije Bosne i Hercegovine.

Na glavnom pretresu održanog dana 06.11.2023. godine, nakon što je Kantonalna tužiteljica pročitala optužnicu broj: ... od 11.08.2023. godine, optuženi A. A. je promjenio svoju izjavu i izjasnio se da je kriv da je počinio krivično djelo Nasilje u porodici iz člana 222. stav 2. u vezi sa stavom 1. Krivičnog zakona Federacije Bosne i Hercegovine.

Sud je izvršio uvid u materijalne dokaze optužbe i to: zapisnik o ispitivanju osumnjičenog A.A. PS V. broj: ... od 10.05.2023. godine, zapisnik o saslušanju svjedoka A. A.1 PS V. broj: ...od 10.05.2023. godine, zapisnik o saslušanju svjedoka A. V. PS V. broj: ...od 09.08.2023. godine, zapisnik o uviđaju PS V. broj: ... od 10.05.2023. godine, specijalistički nalaz JU „Dom zdravlja“ SHMP V. od 10.05.2023. godine na ime A. A.1, rješenje Općinskog suda u V.m broj: od 10.05.2023. godine, potvrda PS V. broj: ... od 10.05.2023. godine sa depozitom broj: ..., izvod iz kaznene evidencije za osumnjičenog A.A. MUP kantona Sarajevo Uprava policije broj: ... od 25.05.2023. godine, fotodokumentaciju PS V. broj:... od 10.05.2023. godine.

Sud je priznanje krivnje optuženog ocijenio kao jasno, iskreno i nedvosmisleno ničim uslovljeno tako da je priznanje optuženog u cijelosti u saglasnosti sa naprijed navedenim dokazima.

Na osnovu navedenih dokaza sud je sa sigurnošću utvrdio da je optuženi učinio krivično djelo Nasilje u porodici iz člana 222. stav 2. u vezi sa stavom 1. Krivičnog zakona Federacije Bosne i Hercegovine, поближе opisano u izreci presude. .

Sud zaključuje da je optuženi navedeno krivično djelo počinio sa direktnim umišljajem jer je bio svjestan svoga djela i htio je njegovo izvršenje, a sud je utvrdio da je optuženi prilikom izvršenja krivičnog djela bio uračunljiv jer predocnim dokazima nije dovedena u sumnju mogućnost optuženog da shvati značaj svoga djela i da upravlja svojim postupcima u vrijeme izvršenja djela.

Odlučujući o vrsti sankcije za optuženog sud je od olakšavajućih okolnosti cijenio da je u cijelosti priznao izvršenje krivičnog djela koje mu se stavlja na teret čime je u mnogome doprinio utvrđivanju činjeničnog stanja i skraćanju krivičnog postupka.

Prilikom izricanja krivičnopravne sankcije sud je, kao olakšavajuće okolnosti na strani optuženog cijenio činjenicu da je optuženi priznao izvršenje krivičnog djela koje mu se stavlja na teret čime je doprinio utvrđivanju činjeničnog stanja i skraćanju krivičnog postupka te materijalne i porodične prilike optuženog.

Na osnovu navedenog, Sud je optuženom za navedeno krivično djelo odlučio izreći mjeru upozorenja – uvjetnu osudu, kojom je utvrđena kazna zatvora u trajanju od 5 (pet) mjeseca, a koja se neće izvršiti ako optuženi za vrijeme od 3 (tri) godine, od dana pravosnažnosti presude ne počini novo krivično djelo i uvjerenja je da će se ostvariti svrha kažnjavanja i postići ciljevi opšte i specijalne prevencije, te da će izrečena mjera upozorenja preventivno djelovati na optuženog da ubuduće ne čine nova krivična djela.

Na osnovu člana 202 stav 1 u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u iznosu 20,00 KM, sve u roku od 30 dana, po pravosnažnosti presude pod prijetnjom izvršenja.

Na osnovu člana 212. stav 3. ZKP FBiH, oštećena mladb. B. S. upućuje se da imovinsko pravni zahtjev u cjelini može da ostvaruje u parničnom postupku.

SUDIJA
A.S.

POUKA: Protiv ove presude dozvoljena je žalba Kantonalnom sudu u Z., putem ovog suda, u roku od 15 dana od prijema presude. Žalba se dostavlja u 3 (tri) primjerka za sud i stranke u postupku.